

掌
中
宇
宙

掌中宇宙卷之四

山東兗州府推官汝陰盧翰輯

潁州遣兵備副使潛江歐陽東鳳發刻

潁州知州扶風孫崇先閱

儒學署學正古吳王會圖校

原人篇

族類部

五五等人

中黃子曰天有五方地有五行聲有五音物有五味

色有五章人有五等上五有神人真人道人至人聖
人次五有德人賢人智人善人辨人中五有公人忠
人信人義人禮人次五有士人工人虞人農人商人
下五有衆人奴人愚人肉人小人

評品善人三十有八

擬玄黃之覆載揚明並以表徵文彪炳而備體澄獨
見以入神者聖人也稟高亮之純粹抗峻標以邈俗
虛靈機以如愚不貳過而諛賣者賢人也居寂寞之
無為以修直而執平者道人也盡蒸嘗於存亡保髮

膚以揚名者孝人也垂惻隱於有生恒恕已以接物者仁人也覲微理於難覺料倚伏於將來者明人也量理亂以卷舒審去就以保身者智人也順通塞而一情任性命而不滯者達人也不枉尺以直尋不降辱而苟命者雅人也處體度以動靜每精詳而無侮者重人也體冰霜之粹素不染繫於勢利者清人也篤始終於寒暑雖危亡而不猜者義人也守一言於久要歷歲衰而不渝者信人也儒鞶帔以立言辭炳蔚而清允者文人也奮果毅之壯烈騁干戈以靖難

者武人也甄墳索之淵奧識前言以窮理者儒人也
銳乃心於精義吝寸陰以進德者益人也識多藏之
厚亡臨祿利而如逸者庶人也不改操於得失不傾
志於可欲者貞人也卹急難而忘勞以憂人為己任
者篤人也深皎分以守終不遜畏而苟免者節人也
飛清機之英麗言約暢於泮滯者辨人也每居卑而
推功雖處太而滋恭者謙人也崇惇睦於九族必居
正以赴理者順人也臨疑結而能斷操繩墨而無私
者幹人也別朱紫於易淆剖是非以允當者理人也

步七曜之盈縮推興亡之數度者術人也赴白刃而
忘生格兒虎於林谷者勇人也整威雄以肅衆守法
度而無二者嚴人也創機功以齊用摠音數而並精
者藝人也凌強禦而無憚雖嶮逼而不沮者黠人也
執匪懈於夙夜忘勞瘁於深峻者勸人也蒙謗譴而
晏如不懼懼於可畏者勁人也聞榮譽而不歡遭憂
難而不變者審人也知事可而必行不猶豫於群疑
者果人也循繩墨以進止不乾沒於佞倖者謹人也
奉禮度於戰兢及親踈而無尤者良人也履道素而

無欲時雖移而不渝者朴人也

人有十等

王臣公公臣大夫大夫臣士士臣皂皂臣與與臣隸隸臣僚僚臣僕僕臣臺

三教

儒釋道

白居易稱香山居士以儒教飭其身釋教治其心道教養其壽

九流

儒家流道家流陰陽家流法家流名家流墨家流縱橫家流雜家流農家流

國有六職

坐而論道謂之王公作而行之謂之士大夫審曲面勢以飭五材以辨民器謂之百工通四方之珍異以資之謂之商旅飭力以長地財謂之農夫治絲麻以成之謂之婦功

四民常業

處士使就閒燕處工就官府處商就市井處農就田野

三不可官

農精於田而不可以為師賈精於市而不可以為
賈師工精於器而不可以為器師

三農

山農澤農平地農

性情部

五性

肝性靜靜行仁甲巳主之心性躁躁行禮丙辛主之
脾性力力行信戊癸主之肺性堅堅行義乙庚主之
腎性智智行敬丁壬主之

五事

貌曰恭言曰從視曰明聽曰聰思曰睿恭作肅從作
又明作哲聰作謀睿作聖

五思

於遠思邇於安思危於患思備於逸思勞於老思行
七哀

曹子建詩謂痛而哀義而哀感而哀怨而哀耳目聞
見而哀口嘆而哀鼻酸而哀

六樂

土城竹馬兒童樂也金翠羅紈嬖人樂也質遷有無
商賈樂也高官厚秩士大夫樂也戰無前敵將帥樂
也四海寧一帝王樂也

六善

言有法動有攷畫有為宵有得息有養瞬有存

四重四輕

揚子曰言重則有法行重則有德貌重則有威好重
則有觀言輕則招尤行輕則招臯貌輕則招辱好輕
則招謠

名有三科

事物紀云名有三科一曰命物之名方員黑白是也
二曰銓譽之名善惡貴賤是也三曰稱謂之名賢愚
愛憎是也

五福

壽富康寧攸好德考終命

形體部

三魂

靈爽台光幽精

七魄

目之魄為英玄者二耳之魄為幽田者二鼻之魄為
桃康者二口之魄為玄谷者一小大腑之魄為神明
戶牖者二

六氣

厥陰風木屬肝少陰君火屬心太陰溫土屬脾少陽
相火屬三焦陽明燥金屬肺太陽寒水屬腎

五體

筋脉肉皮骨

五氣

肝氣溫心氣熱脾氣和肺氣涼腎氣寒

五眼

天眼慧眼法眼佛眼肉眼

六容

祭祀之容賓客之容朝廷之容喪紀之容軍旅之容
車馬之容

九容

足容重舉欲遲手容恭高且正目容端不偏視口容

寧中守官表四
止不妄動聲容靜不咳嗽頭容直不傾視氣容肅似
不息色容莊嚴以厲立容德如有所受

掌中宇宙卷之五

山東兗州府推官汝陰盧翰輯

潁州道兵備副使潛江歐陽東鳳發刻

潁州知州扶風孫崇先閱

儒學署學正古吳王會圖校

建極篇上

曆數部

三皇

天皇氏曰望獲地皇氏曰岳鏗人皇氏曰愷胡洮

十紀

自天地開闢至春秋獲麟之歲凡二百二十六萬七千年分為十紀史紀謂凡三百二十七萬六千歲未詳孰是

一曰九頭紀即人皇氏兄弟九人也

二曰五龍紀兄弟五人曰皇伯皇仲皇叔皇季皇少
繼人皇御世

三曰攝提紀五十九姓繼五龍氏以治

四曰合雒紀三姓繼攝提氏以治

五曰連通紀六姓繼合維氏以治

六曰序命紀四姓繼連通氏以治

七曰循蜚紀言人循其化速若蜚也史紀作修飛有
號而無世凡二十二氏

八曰因提紀言有制作俾後人可因以利時也史紀
作回提有號有世凡十三氏

九曰禪通紀言禪讓之德通乎天道也凡十九氏

十曰疏佺紀言疏以知遠佺以審斷史記作流訖禪
通則終於炎帝疏佺則始於黃帝以迄於周

循蜚紀二十二氏

鉅靈氏句彊氏譙明氏涿光氏鈞陣氏黃神氏鉅神氏
氏犁靈氏大騮氏鬼騮氏奔茲氏泰逢氏冉相氏蓋
盈氏大敦氏靈陽氏巫常氏空桑氏倚帝氏泰壹氏
次民氏神民氏又曰神皇

因提紀十三氏

辰放氏傳四世 蜀山氏三君 颺僂氏傳六世
渾沌氏傳七世 東戶氏十七世 皇暉氏又曰離
先氏傳七世 啓統氏傳三世 告夷氏傳四世

几蘧氏 稀韋氏傳四世 有巢氏傳二世 唐成

氏傳八世 燧人氏傳八世

禪通紀十九氏

軒轅氏 祝融氏 太昊伏羲氏 史皇氏 倉帝

名頡 柏皇氏 中央氏 一曰中皇 大庭氏 一曰

朱須 栗陸氏 昆連氏 一曰彌連氏 赫胥氏

葛天氏 尊盧氏 吳英氏 有巢氏 一曰古皇

朱襄氏 一曰子襄 陰康氏 無懷氏 女皇氏

一曰女希氏 又曰女媧 炎帝神農氏

伏羲傳十五氏而神農作

女媧氏

柏皇氏

中央氏

大庭氏

栗陸氏

驪連氏

渾沌氏

赫胥氏

尊盧氏

昊英氏

有巢氏

朱襄氏

葛天氏

陰康氏

無懷氏

神農傳八帝而亡

帝臨魁

帝承

帝明

帝宜

帝來

帝襄

帝

榆罔

史記五帝本紀

帝太昊庖犧氏代燧人氏繼天而王傳十五氏而

農氏作炎帝神農氏凡八代五百三十年而軒轅氏
興焉黃帝有熊氏在位百年子玄囂立是為少昊金
天氏在位八十四年兄昌意之子高陽立是為帝顓
頊在位七十八年而玄囂之孫高辛立是為帝嚳在
位七十年而子摯嗣立帝摯立不脩善政居九年諸
侯廢之尊其弟堯為天子帝堯陶唐氏在位七十二
年而遜位於舜帝舜有虞氏踐帝位三十九年而歸
禹

三代

大禹有天下國號夏都韓又曰安邑凡十七王該四百五十八年成湯有天下國號商都亳後裔盤庚遷殷遂為天下號曰殷凡二十八君六百四十四年文武有天下國號周都岐豐至平王東遷維邑凡三十七王并東周君該八百七十三年

夏十七王

大禹在位二十七年子帝啓繼在位十年子太康繼羿廢之因失國在位二十九年弟仲康即位十四年子帝相立為羿所逐徙都商丘在位二十七年羿況

帝弑蓋三載一十年相之子少康復興在位二十二年子帝杼立十有七年子帝槐立享國一十六年子帝芒立十有八年子帝泄立十有六年子不降立十有九年弟帝扃立二十有一年子帝厘立二十年帝不降之子孔甲立在位三十一年子帝臯立十有一年子帝發立十有三年子履癸立是為桀在位五十二年湯放之

殷二十八君

成湯在位十三年子太丁之子太甲立二十年稱太

宗子沃丁立二十九年弟太庚立二十五年子小甲
立一十七年弟雍已立十有二年弟太戊立
在位七十五年稱中宗子仲丁立十三年弟外壬立十五年
弟河亶甲立十年子祖乙立二十年子祖辛立十六
年弟沃甲立二十五年祖辛之子祖丁立二十二年
沃甲之子南庚立二十五年祖丁之子陽甲立八年
弟盤庚立改商曰殷在位二十八年弟小辛立二年
一年弟小乙立二十八年子武丁立帝武丁即位五
十九年稱高宗子祖庚立高宗之子祖庚七年弟

甲立三十三年子康辛立六年弟庚丁立二十一年
子武乙立五年子太丁立三年子帝乙立三十七年
子紂立三十二年武王伐之天下歸周

周三十七王

文王受命九年子發武王伐商在位七年子誦成王
立三十七年子剗康王立二十六六年子瑕昭王立五
十一年子滿穆王立五十五年子緊厲共王立十二
年子懿懿王立二十五年弟辟方孝王立十五年子
變夷王立十六年子胡厲王立十九年并共和

三十七年子靜宣王立四十六年子宮涅幽王立十
一年申侯滅之西周遂亡諸侯即中國立故太子宜
臼是為平王都洛陽為東周五十一年子林桓王立
二十三年子佗莊王立十五年子胡齊釐王立一曰
僖王五年子閻惠王立二十六年子鄭襄王立三十
三年子亓臣頃王立六年子班匡王立六年弟瑜寤
王立二十一年子夷簡王立十四年子泄心靈王立
二十一年孔子生在位二十七年子貴景王立二十
五年庶子猛悼王一年毋弟丐敬王立四十四年子

仁元王立六年子介貞定王立二十八年子去疾為
哀王三月弟叔襲殺之自立為思王立五月少弟嵬
攻殺而自立是為考王十六年子午威烈王立二十
四年子驕安王立二十六年子喜烈王立七年弟扁
顛王立四十八年子定慎靚王立七年子延赧王立
五十九年崩後七年東西周改於秦

春秋十二國

魯姬氏侯爵武王封周公旦於曲阜傳三十四主楚
烈王滅之

齊姜氏侯爵武王封太公望都營丘凡二十八土齊
田和滅之

陳媯氏侯爵武王封胡公滿於陳國凡二十四土楚
惠王滅之

曹姬氏侯爵武王封弟叔振鐸傳二十五土宋景公
滅之

燕姬氏伯爵武王封召公奭傳二十八土列七國始
強大

蔡姬氏侯爵武王封弟叔度傳二十二土楚惠王

之

衛姬氏侯爵成王封弟康叔傳三十七主秦廢之

宋子氏侯爵成王封微子啓傳三十二主齊湣王滅之

楚芊氏子爵成王封熊繹傳二十五主列於七國

晉姬氏侯爵成王封弟叔虞傳三十九主韓趙魏滅之

秦嬴氏伯爵周孝王封非子傳二十九主列於七國

鄭姬氏伯爵周宣王封弟威公立傳一十三主韓哀

滅之

春秋二十國

魯齊晉衛宋秦楚蔡鄭曹陳燕邾曹姓子爵顯項之
後周武王封其苗裔邾俠居邾十二世至儀父始見
春秋許姜姓男爵克四岳伯夷之國也周武王封文
叔於許十一世至莊公始見春秋吳姬姓子爵泰伯
仲雍之後武王封周章為吳子至壽夢僭號稱王始
通中國莒嬴姓子爵少昊之後武王封茲與於莒十
一世至茲丕公始見春秋共公以下微弱不復見祀

妣姓公爵夏禹之苗裔武王克殷求禹後得東樓公而封之九世至成公昭見春秋滕姬姓侯爵文王子叔繡之後十七世至宣公始見春秋薛任姓侯爵黃帝之苗裔仲虺居薛為湯左相武王復其封為侯齊桓黜之為伯虞

戰國七雄

咸陽秦王嬴氏起周武王時至惠武始稱王傳昭襄九主始滅周王天下潁川韓王韓氏世仕晉周烈王時命韓虞為諸侯至安凡十主始皇滅之大梁魏王

魏氏世仕晉威烈王命魏斯為諸侯至假凡八主始
皇滅之邯鄲趙王趙氏世仕晉威烈封籍為諸侯傳
及代王十二主始皇滅之襄郢楚王芊氏起自周成
王時傳及負芻一十主秦始滅之薊北燕王姬氏起
自周武王時傳至王喜十一主始皇滅之營丘齊王
田氏仕齊至周安王封田和為諸侯傳及王建七主
始皇滅之

秦有天下六世

昭襄王穆襲世爵攻西周君有其地遷九鼎於秦

五年子戊孝文王在位三日薨子楚莊襄王嗣位攻
東周盡入其國立四年子政始皇帝復姓趙滅六國
天下一統立三十七年巡海上崩於沙丘少子胡亥
二世皇帝趙高奉立弑於望夷宮在位三年子嬰
即位四十六日而歸於漢

西漢十三世

高祖姓劉諱邦興兵五年破秦楚即位十二年都長
安惠帝盈高祖子在位七年無嗣母呂后雉臨朝稱
制八年高帝次子恒代王逝立之曰文帝廟號太宗

在位二十三年子啓景帝立十六年子徹武帝立五
十四年改元十一曰建元曰元光曰元朔曰元狩曰
元鼎曰元封曰太初曰天漢曰太始曰征和曰後元
少子弗陵立是為昭帝改元三曰始元曰元鳳曰元
平在位十三年無嗣霍光迎昌邑王賀復廢定策立
武帝曾孫詢是為宣帝號中宗改元七曰本始曰地
節曰元康曰神爵曰五鳳曰甘露曰黃龍在位二十
五年子奭元帝立改元四曰初元曰永光曰建昭曰
竟寧在位十六年子鸞成帝立改元七曰建始曰河

平曰陽朔曰鴻嘉曰永始曰元延曰綏和在位二十
六年元帝庶孫欣哀帝立改元二曰建平曰元壽在
位六年元帝庶孫衍平帝立改元元始即位五年莽
弑之乃立孺子嬰改元二曰居攝曰初始在位三年
莽篡位十八年諸將立劉玄更始二年而光武即位
東漢十二君

世祖光武皇帝名秀字文叔南陽人高帝九世孫長
沙定王之後南頓令欽之子誅莽滅鄣乃有天下號
世祖都洛陽改元二曰建武曰中元在位三十三年

第四子蒞明帝立改元末平在位十八年第五子烜
章帝立改元三曰建初曰元和曰章和在位十三年
子肇和帝立竇氏臨朝改元二曰末元曰元興在位
十七年少子隆陽帝立鄧后臨朝改元延平在位一
年清河孝王之子佑幼冲鄧后詔為殤帝後改元五
曰末初曰元初曰末寧曰建元曰延光是為安帝在
位十九年子保順帝立改元五曰末建曰陽嘉曰末
和曰漢安曰建康十九年子炳冲帝立改元末嘉梁
太后臨朝三閏月崩立章帝玄孫渤海孝王之子續

是為質帝改元本初一年被毒死梁冀迎章帝魯孫
蠡吾侯諱志者立之為桓帝改元七曰建和曰和平
曰元嘉曰永興曰永壽曰延熹曰永康在位二十一
年實后立章帝玄孫宏為靈帝改元四曰建寧曰熹
平曰光和曰中平二十二年次子協立為獻帝改元
三曰初平曰興平曰建安在位三十一年而曹操篡
之

後漢二帝

先主昭烈皇帝劉備字玄德中山靖王後漢滅即位

成都改元章武三年後主子禪立改元四曰建興曰
延熙曰景耀曰炎興在位四十一年降魏封安樂公

三國

蜀即後漢

魏文帝曹丕魏王操之子受漢獻帝禪都洛陽立七
年子睿明帝立十三年養子芳立十五年曹爽廢歸
於齊曰齊王文帝孫髦高貴鄉公立六年遇司馬昭
弑操之孫渙陳留王立六年遜於晉

吳太皇帝孫權孫武之後漢末天下三分都於建康

立三十年少子亮立七年為孫綝所廢是為會稽王
權第六子休景皇帝在位二年孫和之子皓立一十
七年降於晉是為烏程侯

西晉四帝

世祖武帝名炎司馬懿之孫昭之子受魏禪即位改
元三曰太始曰咸寧曰太康在位二十五年次子秉
惠帝不克負荷賈后稱制改元七曰永熙曰元康曰
永康曰永寧曰永安曰光熙曰永興立十七年司馬
越鴆之弟熾懷帝繼亂立六年改元永嘉劉淵陷洛

陽帝蒙塵後為聰所害武帝孫鄴愍帝即位長安改元建興劉淵陷長安蒙塵為聰所害

東晉九帝

中宗元皇帝宣帝曾孫琅琊正觀之子名睿即位建康改元三曰建武曰太興曰永昌在位六年子紹明帝立改元太寧在位三年子衍成帝立改元二曰咸和曰咸康在位十七年弟岳康帝立改元建元在位二年子聃穆帝立幼褚太后臨朝改元三曰永和曰升平在位十七年迎成帝長子丕哀帝即位改元二

曰隆和曰興寧在位四年毋弟奕廢帝立改元太和
禧后篡位五年桓溫廢為海西公迎元帝少子會稽
王昱改元咸安是為簡文帝即位三年第三子曜孝
武帝即位改元二曰寧康曰太元二十四年子德宗
安帝立改元三曰隆安曰元興曰義熙在位二十二
年劉裕縊殺之矯詔立毋弟德文嗣位改元元熙是
為恭帝二年遜位於宋

晉魏間十六國

前趙劉淵新興匈奴人據平陽稱侯四主二十六年

石勒滅之

前燕慕容皝昌黎鮮卑人據鄴四主八十五年前秦符堅滅之

後蜀李特巴西人據益州六主四十六年穆帝遣桓溫滅之

前秦苻健畧陽氏人據長安六主四十四年後秦姚興滅之

前涼張軌安定人據涼州九主七十六年前秦苻堅滅之

後燕慕容垂之第五子據中山四主廿五年北燕
馮跋滅之

後趙石勒上黨匈奴人元帝時據襄國六主三十一
年為閔所滅

後秦姚萇赤亭羌人據長安三主三十四年安帝遣
劉裕滅之

西秦乞伏國仁鮮卑人據金城四主四十六年大夏
赫連勃勃滅之

西涼李嵩後涼之臣據姑臧三主二十五年北涼滅

之

後涼呂光畧陽氏人據姑臧四主十八年後秦姚興滅之

北涼沮渠蒙遜廬水胡人安常時據張掖二主三十九年後魏滅之

南涼禿髮烏孤河西鮮卑人安帝時據廣武三主十八年西秦滅之

大夏赫連勃勃匈奴之後安帝時據朔方三主廿五年後魏滅之

南燕慕容德銑之少子安帝時據廣固三十五年
帝遣劉裕滅之

北燕馮跋信都人安帝時據昌黎二主二十八年後
魏世祖滅之

五胡

劉氏稱漢帝三世

曰淵曰聰曰粲劉曜稱趙石勒滅之

石氏號後趙五世

曰勒曰弘曰虎曰世曰尊曰鑿曰祗冉閔劉顯滅之

慕容氏稱燕三世

曰皝曰劼曰暉符堅滅之

後燕四世

曰垂曰寔曰盛曰熙劼雲遣其將馮跋滅之

南燕二世

曰德曰超劉祐滅之

符氏稱秦五世

曰健曰生曰堅曰丕曰登姚萇滅之

姚氏稱後秦三世

曰萇曰興曰泓劉祐滅之

五胡之外八國

李氏據蜀曰成又更曰漢張氏曰前凉秃髮氏曰南凉段氏曰北凉李氏曰西凉馮氏曰北燕乞伏氏曰西秦赫連氏曰夏

南北朝九國

南朝四國宋南齊梁後梁陳北朝五國魏東魏西魏北齊後周

南朝四代正統

宋八帝共六十年禪位南齊傳五帝共三十四年遜
於梁傳四主共五十六年遜位於陳五主三十三年
隋文帝滅之內有後梁凡三帝附庸於魏隋而廢於
陳

北朝五國非正統

後魏十二主百十五年魏裂為東西東魏一主二十
六年遜於北齊西魏三主二十三年遜於後周北齊
五主二十八年為周師所虜後周五主二十六年遜
位於隋

南朝宋八帝

武皇帝劉裕漢楚元王友二十一世遜受晉禪都建
康改元永初三年子義符少帝立改元景平二年徐
羨之等廢為管陽王武帝第三子義隆文帝立改元
元嘉在位三十年太子劭弒篡群臣奉文帝第三子
駿孝武帝命誅劭改元二曰孝建曰大明立三十一
年子業廢帝立改元景和立一年為湘東王所弒文
帝第十一子彧明帝立改元二曰泰始曰泰豫八年
子昱後廢帝蒼梧王立改元元徽五年蕭道成弒之

明帝第三子隼順帝立改元昇明三年而禪於南齊
南朝齊五帝

高皇帝蕭道成仕宋受禪都建康改元建元在位四年子順武帝立改元末明十一年嫡孫昭業立六月西昌侯鸞廢為鬱林王立其弟昭文六月皇太后廢為湓陵王立侯鸞改元建武是為明帝在位五年子寶卷立改元末元在位二年廢為東昏侯蕭衍弑之奉明帝第八子寶融即位都建業改元中興是為和帝立二年遜於梁

南朝梁四帝

武皇帝蕭衍與齊同祖受齊禪都建康改元七曰天
監曰普通曰大通曰中大通曰大同曰中大同曰太
清四十八年為侯景所制而崩第三子綱簡文帝立
改元大寶二年侯景廢為聖安王孝元帝繹武帝第
七子知臺城不守立行臺於江陵蕭譽入寇遇弒改
元承聖在位三年元帝第九子方智立改元二曰紹
泰曰太平三年而遜於陳是謂敬帝

附後梁三君

宣皇帝蕭譽昭明太子統之子梁武帝之孫即位江陵八年附庸於魏孝明帝蕭宣帝第三子即位二十一年後附庸於隋莒國公琮明帝長子立二年隋文帝廢其國

南朝陳五帝

武皇帝陳霸先仕梁受禪都建康改元末定在位三年無嗣兄始興王長子蒨文帝立改元二曰天嘉曰天康七年子伯宗立改元光大在位二年宣太后廢為臨海王迎始興昭烈王第二子頊改元大建是為

宣帝立十四年長子叔寶立改元二曰至德曰禎明
在位六年隋文帝滅之是為長城公曰後主

北朝魏十二帝

太祖道武皇帝姓拓跋名珪晉安帝時都平城立二
十四年清河王劭等弒之長子嗣味劭是為太宗明
元皇帝立一十五年長子燾立是為世祖太武皇帝
立二十九年中常侍宗愛弒之高宗文成皇帝濬世
祖嫡孫即位一十三年子顓祖獻文皇帝弘立五年
傳於太子宏為高祖孝文皇帝改姓元遷都洛陽是

為元魏子恪世宗宣武皇帝立十六年第二子詡肅
宗孝明皇帝立一十三年后鳩帝立幼子釗爾朱榮
迎彭城王勰第二子子攸為恭宗孝莊皇帝沉大后
釗於泗淵在位三年遇弒爾朱世隆等立廣陵惠王
之子恭一年高歡廢為節閔帝尋遇弒焉中興王
朗立六十日更立廣平王懷之子脩孝武皇帝出三
年宇文泰迎入長安鳩之立文帝是為西魏東魏
相高歡奉清河王亶之子善見即位於鄴是為孝靜
帝一十七年禪於齊

北朝北齊五帝

文宣王高洋丞歡之次子受東魏禪即位晉陽十年
子殷立一年太后為廢帝文宣母弟演孝昭帝在位
二年母弟湛武成帝即位四年傳位東宮子緯後王
即位十三年為周所虜

北朝西魏三帝

文帝寶炬孝文孫丞相宇文泰鳩孝武迎立帝於長
安一十七年子欽嗣位二年泰置於雍州為廢帝復
立其弟廓恭帝三年禪於周

北朝後周五帝

孝閔帝宇文覺丞相泰第二子受西魏禪都長安即位一年晉公護弒之迎泰長子毓明皇帝立四年致幽弒之禍護誅中外立泰第四子邕廟號高祖武皇帝十八年子贊宣皇帝立一年傳位於太子衍曰靜皇帝立二年遜於隋

隋三帝

文帝楊堅漢太尉震之裔受周禪滅後梁陳一統都長安改元二曰開皇曰仁壽立二十四年子廣弒

竝為煬帝改元大業在位十二年巡遊天下宇文化及弒之唐公李淵迎其孫代王侑即位二年禪於唐是為恭帝其改元曰義寧

唐二十帝

高祖李淵仕隋受禪以土德王都長安改元武德在位九年次子世民太宗立改元貞觀在位二十三年第九子治立改元十四曰末徽曰顯慶曰龍翔曰麟德曰乾封曰總章曰咸亨曰上元曰儀鳳曰調露曰永祥曰開耀曰永淳曰弘道在位三十四年是為高

宗與后則天稱為二聖后嬰受遺詔輔第七子中宗
顯決改后廢之革命稱周僭立二十一年復位中宗
改元三曰嗣聖曰神龍曰景隆復位六年韋后鳩之
矯詔立溫王重茂遜於相王旦睿宗復位改元二曰
景雲曰太極在位三年內禪於第三子隆基為玄宗
改元二曰開元曰天寶立四十四年祿山陷京帝幸
蜀後五年崩第三子亨收復兩京立七年是為肅宗
改元四曰至德曰乾元曰上元曰寶應程元振奉長
子豫代宗即位改元三曰廣德曰永泰曰天曆立一

十七年子适德宗即位改元三曰建中曰興元曰貞元立二十六年子誦順宗立改元永貞一年傳位太子純改元元和是為憲宗立一十五年為中官陳弘志所弑立其第三子恒穆宗改元長慶在位四年子諶敬宗即位改元寶曆立二年中官劉克明弑之立絳王悟王守澄等誅之迎江王誣文宗改元二曰太和曰開成在位十四年中官陳弘志迎穆宗第五子炎武宗立改元會昌在位六年中官馬元贄迎憲宗第十三子忱宣宗立改元太中在位十三年中官王

宗實迎宣宗長子灌懿宗立改元咸通在位十四年
中官劉行深迎懿宗之第五子儼僖宗立改元五日
乾符曰廣明曰中和曰光啓曰文德十五年立第七
子暉昭宗改元七曰龍紀曰天順曰景福曰乾寧曰
光化曰天復曰天祐十六年為朱溫所弑矯詔迎昭
宗第九子祝哀帝三年禪於朱溫

五代

後梁二帝十七年傳國寶於後唐四帝卜四年歸於
後晉二帝九年耶律德光篡位稱大遼滅晉祚後漢

二帝四年奉符璽於後周三帝十年禪於大宋右
白周威烈王二十三年戊寅至後周世宗顯德六年
己未凡一千三百六十二年

後梁二帝

太祖朱溫背黃巢歸唐僖宗賜名全忠受唐禪都汴
京改元二曰開平曰乾化在位六年為第二子郢王
友珪所弒第四子瑱均王誅友珪改元二曰貞明曰
龍德立十一年唐人取曹州遂為臣皇甫璩見殺

後唐四帝

莊宗李存勗克用長子滅梁即位都洛陽改元同光
四年中流矢崩明宗邈佶烈夷狄無姓氏克用養子
立八年改元二曰天成曰長興詔第三子從厚愍帝
改元應順一年明宗養子潞王從珂弒愍即位改元
清泰立二年為石敬瑭所滅

後晉二帝

高祖劉知遠仕晉為北平王契丹滅晉遂即位太原
入都汴京改元乾祐立二年第二子承祐隱帝即位
二年為郭承明所弒

後周三帝

太祖郭威那州堯山人仕漢嘆隱帝遇弒遂即位都汴京改元廣順立三年遺制立養子柴榮即位為世宗改元顯德六年而長子宗訓七歲即位為恭帝六月而禪於宋封為鄭王奉周祀

宋十八帝後九帝為南宋

太祖姓趙諱匡胤宣祖第三子受周禪改元三日建隆曰乾德曰開寶在位十七年弟炅立為太宗改元五日太平興國曰雍熙曰端拱曰淳化曰至德在位

二十二年第三子恒真宗立改元五曰咸平曰景德
曰大中祥符曰天僖曰乾興在位二十五年第六子
禎仁宗立改元九曰天聖曰明道曰景祐曰寶元曰
康定曰慶曆曰皇祐曰至和曰嘉祐在位四十一年
兄濮正允讓之子曙英宗立改元治平在位四年子
頊神宗立改元二曰熙寧曰元豐在位十八年第六
子煦哲宗立改元三曰元祐曰紹聖曰元符在位十
五年第十一子佖徽宗立改元六曰建中靖國曰崇
寧曰大觀曰政和曰重和曰宣和在位二十五

桓欽宗立改元靖康在位二年而高宗南渡

南宋九帝

高宗諱構徽宗第九子渡江都臨安府改元二曰建炎曰紹興在位三十六年立嗣太祖六世孫秀王稱之子脊賜名諱秀孝宗改元三曰隆興曰乾道曰淳熙在位二十七年第五子惇光宗立改元紹興凡五年子擴寧宗立改元四曰慶元曰嘉泰曰開禧曰嘉定在位三十年次子昀理宗立改元八曰寶慶曰紹定曰端平曰嘉熙曰淳祐曰寶祐曰開慶曰景定在

位四十一年姪忠王慳度宗立改元咸淳凡十年次子焘恭帝立改元德祐凡二年元兵入臨安執之北狩殂於沙漠度宗長子恭帝兄益王昀稱帝於福州曰端宗改元景炎三年為元兵所迫崩於嶺南之碭州度宗之末子端宗之弟廣王昺即位碭州改元祥興元人來攻立二年而宋亡

遼君十

太祖耶律氏阿保機名斡里只以唐昭宣帝天祐四年稱帝改名億世號契丹都祈津十二年立次子德

光小字克骨是為太宗後漢初改大遼二十二年太祖孫兀欲改名阮立是為世宗五年太宗子璟小字述律穆宗立十九年世宗子明扆景宗立改名賢在位十五年立子隆緒小字文殊奴都臨諱復號契丹是為聖宗四十九年立子宗真小字只骨二十五年後都遼陽天定大同是為興宗子洪基小字查剌立復號遼是為道宗四十六年孫秦王元吉子延禧立為天祚帝二十四年道宗之弟淳道宣宗立三月金宋交城之右遼九主共一百五十年而耶律大石稱

二十
帝於起兒漫為西遼至宋寧宗嘉泰乃蠻襲滅直魯
古而據其位遼祀遂絕

金君十

太祖女直完顏氏阿骨打其先出於魏至唐改女直
宋徽宗時阿骨打稱皇帝更名旻國號大金都會寧
府大興府立六年弟晟名吳乞買立是為太宗滅遼
在位十一年太祖孫亶名合剌立為熙宗十五年太
祖孫亮名迪吉乃立十二年廢為海寧湯王太祖孫
雍名烏祿立為世宗二十八年世祖孫璟名麻台為

章宗立十九年世宗之子允濟一曰興勝立為衛紹
王五年世宗之孫珣一曰吾暗立為宣宗十一年子
守緒一曰寧甲速五年是為哀帝末帝承麟受禪一
日金宋滅之右金十七主一百一十八年

夏八主

元昊見於宋仁宗時秉常繼次諒祚次乾順次仁孝
次純佑次安全次遵頊時宋寧宗元太祖時也

元十三帝

太祖姓奇渥溫氏名鐵木真蒙古部人世為蒙古部

長以宋寧宗開禧二年丙寅即位於幹難河在位二十二年崩於六盤山一曰薩里川哈老徒之行宮理宗寶慶三年也壽六十六國號曰成吉思皇帝謚曰法天啟運聖武皇帝廟號太祖越二年立太宗名窩闊台太祖第三子即位時理宗紹定二年也合宋滅金任賢臣耶律楚材在位一十三年壽五十有六謚曰英文皇帝廟號太宗后六皇后馬真氏禿理吉納臨朝五年長子貴由以宋淳祐六年即位於速蔑都
在位三年謚曰簡平皇帝廟號定宗后垂簾二年也

皇弟太祖第四子睿宗拖雷之長子諱蒙哥以淳佑
十一年卽位於潤帖兀阿蘭之地在位九年謚曰桓
肅皇帝廟號憲宗同母弟忽必烈立以宋景定元年
卽位於開平都燕山府改元二曰中統曰至元國號
尊稱曰薛禪皇帝滅宋一統在位三十五年謚曰聖
德神功文武皇帝廟號世祖皇孫鐵木耳裕宗真金
第三子立改元二曰元貞曰大德國號曰完澤篤皇
帝謚曰欽明廣孝皇帝廟號成宗在位十三年皇姪
順宗答剌麻八剌之長子懷寧王海山立改元至大

在位五年國號曰曲律皇帝謚曰仁惠宣孝皇帝廟
號武宗同母弟順宗次子名愛育黎拔力八達立改
元二曰皇慶曰延祐國號曰普顏篤皇帝謚曰聖文
欽孝皇帝廟號仁宗在位十年嫡子碩德八剌立改
元至治國號曰格堅皇帝謚曰睿聖文孝皇帝廟號
英宗在位三年被弒於行幄顯宗其麻刺之長子裕
宗之嫡孫晉王也孫鐵木耳以支庶入繼大統即位
於龍居河改元二曰泰定曰致和在位五年以自立
不為立廟謚止稱為泰定帝武宗次子迺武宗長子

周王名和世球即位於和寧之北八月而暴崩國號
曰護都篤皇帝謚曰翼獻景孝皇帝廟號明宗弟懷
王圖帖睦兒繼立改元二曰天曆曰至順是為文宗
國號曰札牙篤皇帝謚曰聖明元孝皇帝在位五年
立明第二子鄜王諱懿璘質班在位一月崩謚曰冲
聖嗣孝皇帝廟號寧宗明宗長子妥懽帖睦爾繼立
改元三曰元統曰至元曰至正在位三十六年我
太祖高皇帝大兵至燕京元國亡謚曰順帝
元起太祖丙寅至順帝丁未凡百六十二年自世祖

至元十六年己卯滅宋混一至順帝至正丁未繼大統實計八十九年

右起唐堯帝甲辰至元順帝丁未通計三千七百二十四年

國朝萬年

仁祖淳皇帝廟諱世珍

太祖開天行道肇紀立極大聖至神仁文義武俊德
成功

高皇帝廟諱元璋都建康更名應天府是謂南京改

元洪武在位三十三年

成祖啟天弘道高明肇運聖武神功純仁至孝文皇帝廟諱棣都北平改名頌天府改元永樂在位二十一年傳洪熙一年

仁宗敬天體道純誠至德弘文欽武章聖達孝昭皇帝廟諱高熾改元宣德在位十年

宣宗憲天崇道英明神聖欽文昭武寬仁純孝章皇帝廟諱瞻基改元二正統十四年天順八年

英宗法天立道仁明誠敬昭文憲武至德廣孝睿皇帝廟諱

帝廟諱祁鎮改元景泰在位七年

恭仁康定景皇帝廟諱祁鈺

憲宗繼天凝道誠明仁敬崇文肅武宏德聖孝純皇
帝廟諱見濡改元成化在位二十三年

孝宗建天明道誠純中正聖文神武至仁大德敬皇
帝廟諱祐橿改元弘治在位十八年

武帝承天達道英肅睿哲昭德顯功宏文思孝毅皇
帝廟諱厚熹改元正德在位十六年

世宗欽天履道英毅聖神宣文廣武洪仁大孝肅皇

帝廟諱厚炁改元嘉靖在位四十五年

穆宗契天隆道淵懿寬仁顯文先武純德弘孝莊皇帝廟諱載坫改元隆慶在位六年

今上皇帝萬萬歲

后妃部公主 命嫔附

黃帝四妃

四妃象后妃四星元妃西陵氏之女曰嫫祖二妃方
纁氏女曰節三妃彤魚氏女四妃曰嫫母貌惡德克

黃帝四妃

元妃有郇氏女曰姜嫄次妃有娥氏女曰簡狄次妃
陳豐氏慶都次妃姬訾氏

舜三妃

長妃娥皇無子次妃女英生商均次妃益比生二女
宵明燭光

周四世賢后

太姜太王之妃有郇氏之女太任玉季之妃摯任之
女太姒文王之妃莘姒之女邑姜武王之妃太公之
女

天官后妃四

天官后妃四其一為正嫡其三為後宮賢妃貴妃淑妃德妃

聽內治一百二十六

后立六宮三夫人九嬪二十七世婦八十一御妻以聽天下之內治

聽外治一百二十六

天子立六官三公九卿二十七大夫八十一元士以聽天下之外治

歷代嬪御五品名號

淑儀淑容順儀順容婉儀婉容昭儀昭容昭媛修儀
修容修婉克儀克容克媛克婕好貴人美人才人

無塩四殆

鍾離春者無塩過之醜女白頭深目乞詣宣王乃拊
膝曰殆哉殆哉西秦南楚壯勇不立一殆也漸臺五
層萬民疲困二殆也賢者伏匿諂諛左右三殆也沉
湎夜繼俳優縱橫四殆也乃拜為后

國朝

孝慈昭憲高皇后刪定列女三傳

宋樂元年御製列女傳序皇妣輔治同德訓飭整齊
每聽女史讀書至列女傳謂宜刪定為書求作世範
乃命儒臣編次古今后妃為卷一諸侯大夫妻為卷
二士庶人妻為卷三

五主

天子嫁女於諸侯至尊不自主婚必使同姓者主之
故謂之公主帝姊妹為長公主太后女太主又封太
長公主諸主之女亦封郡縣曰某郡某縣主也

四夫人

有封號者謂之封夫人列侯之母稱太夫人封國者曰國夫人封郡者曰郡夫人

命婦七階

淑人碩人令人恭人宜人安人孺人